

آبونه شرائطی

داخلی و خارجی، هریرایچون
سنه لکی (۲۰۰)، آلتی آیلنی
(۱۳۰) غروشددر .

نسخه سی • غرووش ،
سنه لکی ۵۲ نسخه در

اداره خانه

باب عالی جاده سنده اثر مخصوصه
اخطارات

آبونه بدلی به بندر

مسلكه موافق آثار مع المکتوبیه
قبول اولور . درج ایدیه
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

آپعون اهدکم سبیل الرشاد



دینی ، فلسفی ، علمی ، ادبی ، سیاسی هفته لق مجموعه اسلامیه در
باش محرر
صاحب و مدیر مسئول

اخطارات

ادرس تبدیلیده آریجه بهی
غرووش کوندر لیدر

مکتوبلرک امضالری واضح
واو قوناقی اولنسی و آبونه صره
نومروسی محتوی بولنسی
لازمدر

ممالک اجنبیه ایچون آبونه اولانلرک
آدرس لرینلر انستوجده ده یاولنسی
رجا اولنور

باره کوندر لیدکی زمانه نه به دائر
اولنسی واضحاً بیلدیرلسی
رجا اولنور

تورکک علیبنده هیامه

لوندردن کلن بر تفرافده بیان ایدیلدیکنه کوره مطبوعات ایله پارلامتوده ترکک علیبنده بیوک بر هیجان دوام ایدیور. مع هذا بر طرفندن آتاراحتدال کورولمکه باشلامشدر. هندستان والیسی مونتا کو ایونینگ استاندارد غزته سی محررلندن بری ایله اجرا ایتدیکی ملاقاتده اسلام قطعه نظری پاک کوزل ایضاح ایتشدر. هندافکار عمومی سی دیورکه: اگر استانبولی ترکک الدن آلتی مقرر ایدی ایسه هندیلر حربه سوق ایدلاملی ایدی.

بویوک بر حقیقت:

فرانسولی تورک منورلرینک تا ایلکک بر قدر ایشدر

قارشی غزته لردن بری فرانسز لساننه قارشی تورکک دشمن بولونقلری یازمسی اوزرینه «اقدام» غزته سی هر خصوصجه شایان دقت اولان برباش مقاله ایله جواب ویردیلر. بو حقیقتک بویله آجیق بر لسانله اورتیه قومسی بزرک مهم، بک فائده لی عد ایتدیکنز جهته شمدیلک یالکیز عیناً نقل ایله اکتفا ایدرز:

«بو کونکی کونده، شرقده یاشایان هیچ بر ملت تورکک درجه سنده فرانسز حرتی تمیل ایتش و فرانسز لسانی تورکک قدر اوکرمش اولق اداسنده بوله ماز. استانبولده هانکی روم ویا هانکی ارمنی مکتبی واردرکه اوراده علوم و فنون یالکیز فرانسزجه اوله رق تدریس ایدیلسون؟ هجا شرقده هانکی مؤسسه، غلطه سرای سلطانیسی درجه سنده تا ایلکک قدر فرانسزدر؟ تورکک، هله منور تورکک و مملکتک بوتون یوکسک طبقه سی فرانسزجه نی ایلکنجی بر آنا لسانی اوله رق قبول ایتش اولق شویله دورسون، بلاستقنا هپسی فرانسزجه دوشونورلر و فکری، علمی مباحثده بوتون مجرد کله لری فرانسزجه سویلرلر. صوک زمانلرده تورکک آره سنده بو فرانسزجه محبتی اوقدر مبالغه لی شکلر ایشدرکه عادتاً یشایشمزده بیله یکی یکی عجائب بر طاقم اعتیادلر تولید ایتشدر. تورک کنجلرینک اکثریسی اوله جکری زمان هرشیدن اول آله جقلری قیزک فرانسزجه بیلوب بیلمدیکنی صورار؛ بولسانه وقوف عادتاً تربیه نک بر معیاری کی تلقی اولنور. بالطبع، مذکور مقاله نک محرری بوسوزمزی بک مبالغه لی بوله جقدر. فقط مع التأسف، حقیقت حال بومثاله اکلایشیله میه جق قدر فرانسزجه نک لهنه در. مع التأسف دیورم، چونکه، تورکیاده یکی نسل بر جوق خصوصده ملی و دینی غننه لری اونه جق قدر فرانسزلاشمشدر؛ اوقدرکه، حرب اناسنده و آلمان طرفدارلیله اوقدر مهم اولان بر قابینه ریسنک بیله بعض اجتماعی مسأله دأثر تألیف ایتدیکی بر کتابک متنی فرانسزجه ایدی. هیچ خاطر مزدن چیقماز، جناب قلمه حربینک آلتشین کونلردن بری ایدی، بر آقشام «تورکک اوجاغنده» - «اوت»

اوت، تورکک اوجاغنده! - بر ادبی مسامره واردی. او مسامره ده بر قاج قونفرانسدن صوکره، فرانسزجه انشادی بک قوتلی شاعر لرمزدن بری عمومک اصراری اوزرینه بزه و یقتور اوغونلک مشهور «وواترلو» منظومه سی اوقودی و اوقدر جوشش آلیشیلاندی ایدی که، بر قاج دفعه تکراره مجبور اولدی.

«قارشی غزته سنک دنیادن بی خبر سر محرری، ائی بیلمدیرکه بزه هرافتراده بولنیله بیلیر، بزه هر قیصه عطف ایدیلیر؛ فقط تورکک فرانسز لساننه و فرانسز حرتنه دوشمان اولدینق ادعا ایتک کولنج و زوالی برهتاندیر.

«شرقده فرانسزجه نک و فرانسز مدنیتک یکانه استکشاف قوی بزر. بر عصر دن بریدر، دوت بش نسل اوست اوسته هیچ یورولمق سزین و بوبادهوا ایشدن سیاسی واقعه های هیچ بر فائده بکله مکسزین فرانسه حسابنه چالیده ی. آزدها بویوله کندی موجودیتی اونه جقدری و کوره چکی مکافات ده عاقبت، بلکه یت بواوله جقدری.»

صربستان مسلمانلرینک مطالباتی

تان غزته سنده اوقوندیغنه کوره بوسنه، ماکدونیا، آروا وودلقد بولنان مسلمانلر صرب حکومشدن مشترکاً بعض مطالباتده بولونمشدر. یوغو - اسلاو حکومتی مملکتده بویوک و متحد برکتله تشکیل ایدن مسلمانلرک بو آرزولری بک بحق بولش و در حال اسعاف ایدلسی لازم کلن مقاماته تبلیغ ایله مشدر.

دینداش لرمزک اسکوبده عقد ایدیلان بر قونفرمه تثبیت ایدیلان مطالباتی آتیده کی سکیز ماده دن عبارتدر:

- ۱ - یوغو - اسلاویا داخنده بولونان مسلمانلرک مختاریت دینی لری نک قبولی و مقام خلافت ایله اولان رابطه معنویه لری نک تأسیسی.
 - ۲ - حقوق عائله و ازدواج دعوالرینه باقی اوزره محاکم شرعیه نک احیاسی.
 - ۳ - املاک وقفیه و امیرییه نک محافظه سی.
 - ۴ - لسان مادر زادک استعمالی.
 - ۵ - مسلمان چو جقلرینک دوام ایتدکری صرب مکتبلرنده کی خرسیان تدریسات دینی سنک مسلمان چو جقلری حقنده الغاسی.
 - ۶ - مجلس مؤسسانده مسلمانلرک نسبتی دائره سنده مبعوث بولندیرلسی و یکی قانون اساسیده مسلمانلرک نسبت اشتراکنک تصریحی.
 - ۷ - اوقافک هر درلو ویرکودن عفوی.
 - ۸ - اراضی مسئله سنده ۱۹۱۲ دن اولکی استاتوقونک اعاده سی.
- بولندن باشقه قونفرمه یوغو - اسلاویا اتحائی اناسنده بوطبلری اسعاف ایده جک فرقیه اعطای رأی اولومسی تقرر ایتشدر.